

Leon M. Béréños

In Memoriam Hubert 'Jubi' Naar (1943-2024)

E persona di Hubert 'Jubi' Naar majoria di nos conoce como e periodista popular i destaca, e conosedor di historia di Carnaval Arubano, e historiador di Aruba en general i di San Nicolas en particular. Pero hopi di nos, especialmente esnan hoben, no conoce e bida i trayectoria di Hubert 'Jubi' Naar como deportista hoben i destaca.

Den anjanan 1960 pa 1963 Hubert 'Jubi' Naar como estudiante na St. Augustinus College na San Nicolas, twt profila como un hoben deportista multi fasetico. Atletismo, Volleyball, Softball, Basketball i hasta ping pong e twt praktika cu hopi fervor. E twt destaca den atletismo i den volleyball. Den e ekipo di atletismo di St. Augustinus College, durante e encuentronan anual escolar entre e scolnan secundario di Aruba i Curacao, unda Radulphus College twt bishita Aruba frecuentemente, pa e encuentro deportivo aki, e twt un di e streynan di nos scol. Esta St. Augustinus College . E twt e capitán di e equipo di Volleyball di St. Augustinus College. Su bulamento masa haltomes, ora di pone un 'smash' twt e arma principal di Hubert 'Jubi' Naar. Tur contrincante twt teme e teribel 'smash' di Hubert 'Jubi' Naar. Su ablidat den e ramo di atletismo den bulamento halto (hoogspringen) twt e actividad deportivo mas alendor di dje. E team di St. Augustinus College twt competi cu scolnan manera Abraham de Veer School, Seroe Colorado High School, LTS Aruba i La Salle College. Tur anja den luna di april/mei e scolnan aki twt competi riba various tereno i esun mas popular i mas bishita twt e encuentro di Field & Track den Lago Sport Park den luna di april.

Mi ta corda cu den anja 1961 i 1962 St. Augustinus College a finalisa na di 3 lugar den e competencia aki, tras i Seroe Colorado High School i Abraham de Veer School pero prome cu LTS Aruba i La Salle College. Den e puntuación total, 2 atleta a destaca pa acapara e cantidad di punto cu twt Hubert 'Jubi' Naar i mi persona, unda ami a premia den 3 numero den coremento riba pista. Hubert 'Jubi' Naar a gana e high jump i a caba den 2e lugar den Broad Jump i Humbert Mohamed, mihor conosi como Mo, e artista /pintor, a caba den tiramento di javelina na di 2 lugar. Como capitán di nos ekipo a fungi Hubert 'Jubi' Naar. Ami i hopi di nos cu a studia i caba na St. Augustinus College lo recorda Hubert 'Jubi' Naar como e líder ejemplar di nos ekipo cu twt anima nos na un manera energético i motivador. Mi anjanan deportivo huntu cu Hubert 'Jubi' Naar lo mi corda masha bon mes i gracias na su amistad deportivo i social un gran parti di nos hobenan di e anjanan di comienzo 60 a briya den deporte na un manera ejemplar. Mi mes por bisa cu pa sierto motivo den anja 1963 mi a resulta como e atleta mas destaca di Lago Olympiad cu e titulo : Most Outstanding Athlete. Gracias na e apoyo tambe di hopi personan cu Hubert 'Jubi' Naar a organiza pa sinta den tribuna pa duna sosten na nos atletanan . Tanto e gran cantidad di personan cu Hubert 'Jubi' Naar a pidi a bini i di Filomena College (esta e mucha muhernan di scol secundario), a bini huntu pa hasi hopi bochincha den tribuna, munstrando nan sosten pa nos. Tambe mi por

corda cu Hubert 'Jubi' Naar i tur nos studiantenan di St. Augustinus College a bini playa pa apoya mi durante e popular Boulevardloop di 1962 i 1963, unda mi a sali ganado absoluto e 2 anjan ei. Mester remarca cu Hubert 'Jubi' Naar tambe twt apoya e gran persona Arubano di Padu Maduro, cu a caba e Boulevardloop na di tres lugar, aunque cu Padu Maduro ya twt di un edad basta halto compara cu no hobenan.

Un anekdota particular ta lo siguiente:

Hubert 'Jubi' Naar twt biba na Lago Heights den '600 Street' e di 4 cas na bo man drechi ora bo ta subi e cero di Lago Heights. E prome caya na bo man drechi. Mi mes ta mucha di Essoville. Ambos bario ta sitúa un par di kilometer for di St. Augustinus College, kedando den e tempo ei den Ceintuurbaan, cu awe ta yama Pastoor Hendiksstraat. Tur dia di siman nos twt bai lunch na cas, esta Essoville respectivamente Lago Heights. Aki hinter un grupo, consistiendo e 'gang' di Essoville lidera pa mi persona i e 'gang' di Lago Heights lídera pa Hubert 'Jubi' Naar twt cana un tipo di 'speedwalking' pa yega cas liher i mas rápido posibel, dal nos lunch i ta back na scol pa 1.00 or. Pausa twt cuminsa 12.00 or. E ejercicio aki a hasi cu mi a converti mi mes den un coredor eloquente i Hubert 'Jubi' Naar tambe como líder di su 'gang' di Lago Heights twt esun mas liher den canamento. Hopi di nos conose Hubert 'Jubi' Naar como un canador rápido. Asina e 'gang' di 'Up the Hill' twt competi cu e 'gang' di 'Down the Hill'.

Hubert 'Jubi' Naar lo keda den nos i mi memoria como e hoben i líder di hubentud di San Nicolas cu a muntra cu e generacion di nos lo keda uno ejemplar pa e generacion di awe.

Cu Hubert 'Jubi' Naar sosega na paz.

Fuente: Facebook, 7 di januari 2024



Publico riba 27 di april 1963 den Lago Sport Park pa atende e encuentro deportivo anual. E anochi, un diasbra 7.000 persona a drenta Lago Sport Park.

**Hubert 'Jubi' Naar
den acion como atleta
27 di April 1963**

